





STATISTIK PEMBINAAN SUKU KEEMPAT 2024

Nilai kerja pembinaan mencapai RM158.8 billion,
mencatatkan pertumbuhan dua digit sebanyak 20.2 peratus pada 2024


Nilai kerja pembinaan, ST1 2020 - ST4 2024



Nilai kerja pembinaan 2020 - 2024




Nilai kerja pembinaan mengikut subsektor dan pemilik projek



Subsektor **Kejuruteraan awam** dan **Bangunan bukan kediaman** mewakili lebih dua pertiga daripada jumlah nilai kerja pembinaan pada ST4 2024

Sektor Swasta


Sumbangan (%)
64.2% (RM27.0 bilion)
Nilai kerja pembinaan bagi Sektor Swasta (RM bil.)



Sektor Swasta kekal sebagai pemacu utama kepada pertumbuhan sektor Pembinaan pada ST4 2024

Sektor Awam

Sumbangan (%)
35.8% (RM15.1 bilion)
Nilai kerja pembinaan bagi Sektor Awam (RM bil.)



Nilai kerja pembinaan mengikut lokasi projek, ST4 2024



Peratus sumbangan, ST4 2024



Hampir 62.3 peratus daripada nilai kerja pembinaan pada ST4 2024 tertumpu di **Selangor, Johor, Wilayah Persekutuan*** dan **Sarawak**

Nota: * Termasuk W.P. Kuala Lumpur, Labuan dan Putrajaya

Sumber: Statistik Pembinaan, Suku Keempat 2024, Jabatan Perangkaan Malaysia (DOSM)



Nilai kerja pembinaan mencapai RM158.8 bilion, mencatatkan pertumbuhan dua digit sebanyak 20.2 peratus pada 2024

- Nilai kerja pembinaan tahun 2024 mencapai RM158.8 bilion, dengan suku keempat 2024 berjumlah RM42.0 bilion. Nilai kerja pembinaan dalam sektor ini terus mencatatkan pertumbuhan pada suku keempat 2024 dengan peningkatan ketara sebanyak 23.1 peratus (ST3 2024: 22.9%).
- Prestasi yang memberangsangkan ini didorong terutamanya oleh peningkatan kukuh dalam subsektor Aktiviti pertukangan khas dan Bangunan kediaman, yang masing-masing mencatatkan pertumbuhan dua digit yang ketara sebanyak 44.9 peratus dan 38.9 peratus. Subsektor Bangunan bukan kediaman turut menyumbang kepada pertumbuhan dengan peningkatan sebanyak 24.6 peratus. Sementara itu, subsektor Kejuruteraan awam terus berkembang, walaupun pada kadar yang lebih perlahan, dengan kadar pertumbuhan positif sebanyak 9.3 peratus.
- Daripada keseluruhan nilai kerja sebanyak RM42.0 bilion yang dicatatkan pada suku keempat 2024, sejumlah RM15.6 bilion atau 37.2 peratus disumbangkan oleh subsektor Kejuruteraan awam, terutamanya dalam aktiviti Pembinaan jalan raya dan landasan kereta api (RM6.9 bilion) dan projek utiliti (RM6.8 bilion).
- Sementara itu, nilai kerja bagi Bangunan bukan kediaman dan Bangunan kediaman masing-masing mencatatkan RM11.8 bilion (28.0%) dan RM9.9 bilion (23.5%). Aktiviti pertukangan khas pula menyumbang RM4.7 bilion (11.3%), terutama dalam aktiviti Penyediaan tapak (RM1.2 bilion); Pemasangan elektrik (RM1.1 bilion); dan Pemasangan paip, pemanasan dan penghawa dingin (RM1.0 bilion).
- Sektor swasta kekal sebagai pemacu utama pertumbuhan pada suku ini, menyumbang RM27.0 bilion atau 64.2 peratus daripada jumlah nilai kerja Pembinaan. Sektor swasta mencatatkan pertumbuhan yang ketara sebanyak 32.9 peratus (ST3 2024: 33.3%), didorong oleh prestasi kukuh dalam subsektor Aktiviti pertukangan khas (57.4%) dan Bangunan kediaman (38.5%).



- Sebaliknya, sektor awam yang menyumbang 35.8 peratus atau RM15.1 bilion mencatatkan pertumbuhan yang lebih perlahan sebanyak 8.8 peratus (ST3 2024: 8.1%). Pertumbuhan ini didorong oleh subsektor Bangunan kediaman (46.8%) dan Aktiviti pertukangan khas (22.4%), dengan masing-masing berjumlah RM0.6 bilion dan RM1.4 bilion.
- Hampir 62.3 peratus daripada nilai kerja tertumpu di Selangor, Johor, Wilayah Persekutuan (Kuala Lumpur, Putrajaya dan Labuan) dan Sarawak.
- Selangor merekodkan nilai kerja Pembinaan tertinggi sebanyak RM9.4 bilion (22.5%), didorong oleh subsektor Bangunan bukan kediaman dan Bangunan kediaman yang masing-masing bernilai RM2.9 bilion, serta subsektor kejuruteraan awam berjumlah RM2.6 bilion. Sementara itu, Johor menduduki tempat kedua dengan RM7.4 bilion atau 17.7 peratus, dipacu terutamanya oleh subsektor Bangunan bukan kediaman (RM3.0 bilion). Di samping itu, nilai kerja Pembinaan di Wilayah Persekutuan berjumlah RM4.7 bilion (11.3%), manakala Sarawak mencatatkan RM4.6 bilion (10.9%).
- Merumuskan prestasi nilai kerja pembinaan bagi tahun 2024, sektor ini mencapai RM158.8 bilion, mencatatkan pertumbuhan dua digit sebanyak 20.2 peratus berbanding 8.4 peratus pada tahun sebelumnya. Ke semua subsektor menunjukkan peningkatan, dengan lonjakan ketara dalam Aktiviti pertukangan khas (35.9%), Bangunan kediaman (24.5%) dan Bangunan bukan kediaman (15.5%). Sementara itu, aktiviti Kejuruteraan awam mengekalkan pertumbuhan dua digit yang stabil pada kadar 17.3 peratus (ST3 2024: 15.7%). Secara keseluruhannya, sektor Pembinaan Malaysia pada tahun 2024 menunjukkan prestasi yang kukuh, disokong oleh pertumbuhan yang meningkat ke semua subsektor.

